

猶山之恒岱衡華水之江淮河漢宗祀明禋代膺盛典
南康白鹿洞唐李賓客隱居昇元間即址爲廬山國學
至宋淳熙自紫陽開拓軍學請勅賜額一時英彥蔚興
後先麟炳異教衛道墨守輪攻所係于後學津者甚重
迄會稽先輩陸澹闇江陰李文毅振鐸而後勝地荆榛
人材消歇興朝巡撫蔡張二公聲之振之而教育

規制則今總督部院集其成聲蜚多士跨昔隆今年來
歲旱頻仍萑苻躡跡燥濕朽蠹風雨蒸淫豈直木腐石
糜行見榱崩棟折本府待罪殘疆謬兼洞任實重有責
焉廼日規心計約補苴則一震百解姑有待則草蔓煙
沉當此甲浮浮癸不獨民病病官郡邑紳士捐無可捐
助無可助用是精衛竭誠螳螂怒臂勉厥心力尺寸以
圖狀登高之呼所深望于縈裘而振領也憲臺雲漢
天章主持名教樞璇運心經綸在手懇賜俞請或計奇
七出而示奇于典逆所不及之奇或炊巧無黍乞巧于天
孫所希觀之巧若夫殿堂首需料理廡舍鱗次增修繚
垣視先庑廂視後俾肄業入廟思虔齋心有地庶春秋
霜露不寒先聖之春風棧樸賁鏞更暴憲臺之秋日矣